



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

VI. Nullus ad vsuras soluendas est cogendus, nisi ad earum teneatur
solutionem.

urn:nbn:de:hbz:466:1-15588

C A P. VI. *Idem Vintoniensis episcopo.*

Super eo quod nos consulere voluisti, vtrum clericus sit cogendus vsuras creditori soluere, prudentia tua taliter respondemus, quod cum periculoso sit omnibus Dei fidibus vsuras recipere, ad earum solutionem nullus Christianus est cogendus, nisi iuramento vel fide eas soluere teneatur: sed potius creditores ab vsurarum exactione, ecclesiastica debent coerceri sententia.

C A P. VII. *Idem Cantuariensis archiepiscopo.*

Ad nostram noueris audientiam peruenisse, quod cum Petrus de Vrson tempore guerræ, qua fuit inter carissimum filium nostrum Henricum illustrem regem Anglorum & filios eius, quibusdam hominibus pro tuitione regni Francorum, pecuniam certæ summae permutasset, ab eis quasdam possessiones & redditus recepit in pignus; ipsos etiam sibi iuramenti religione adstrinxit, quod ei super possessionibus & redditibus illis, donec sibi mutuatam soluerent pecuniam, nullam molestiam vel grauamen inferrent. Licet autem de possessionibus illis & redditibus præfatus Petrus nondum sortem suam, sicut afferit, deductis expensis, receperit: quia tamen tu frater archiepiscope propter hoc eum vinculo excommunicationis adstrinxisti, exinde cogimur literas nostras vobis destinare, præsertim cum ipse, sicut afferit, sorte velit esse contentus. Inde est quod fraternitati tuae consulent, &c. quatenus percepta a præfato P. sufficienti cautione, quod exinde mandato vestro debeat parere, ipsum contradictione & appellatione cessante, a sententia qua tenetur, auctoritate nostra penitus absoluas: & deinde debitores, qui sibi prædictas possessiones & redditus contra iuramentum suum subtraxisse dicuntur, si ita est, ecclesiastica censura compellas, ut possessiones illas & redditus eidem Petro dicto appellatione cessante restituant: nec sibi de cetero contra iuramentum molestias inferant, donec ei pecunia soluatur. Quia non est tutum cuilibet, sed periculoso potius, religionem infringere iuramenti. Cum autem prædicto P. pecuniam suam, sicut iurauerunt, persoluerint, vos ipsum ad restituendum quidquid eum nouis deductis expensis ultra sortem rece-

Ggg iij